

四庫全書

史部

欽定四庫全書

史部
水經注卷十七至二十

詳校官監察御史_臣周元良

刑部郎中_臣許兆椿覆勘

總校官庶吉士_臣何思鈞

校對官中書_臣王鍾泰

謄錄監生_臣闕澧

欽定四庫全書

水經注卷十七

魏 酈道元 撰

渭水

渭水出隴西首陽縣渭谷亭南烏鼠山

渭水出首陽縣首陽山渭首亭南谷山在烏鼠山西
北北縣有高城嶺嶺上有城號渭源城渭水出焉三
源合注東北流逕首陽縣西與別源合水南出烏鼠

山渭水谷

案南出近刻訛作出南又谷上行出字

尚書禹貢所謂渭出

鳥鼠者也地說曰

案地近刻訛作他

鳥鼠山同穴之枝幹也

渭水出其中東北過同穴枝間既言其過明非一山

也

案山近刻訛作水

又東北流而會于殊源也渭水東南流

逕首陽縣南右得封溪水

案溪近刻訛作溪

次南得廣相溪

水次東得共谷水左則天馬溪水次南則伯陽谷水

竝參差翼注亂流東南出矣

東北過襄武縣北

案東北原本及近刻訛作又北考注云渭水常若東南不東北也可證又

乃東
之訛

廣陽水出西山二源合注共成一川

案近刻脫共字

東北流

注于渭渭水又東南逕襄武縣東北荆頭川水入焉

水出襄武西南烏鼠山荆谷東北逕襄武縣故城北

王莽更名相桓漢護羌校尉溫序行部為隗囂部將

苟宇所拘

案苟近刻訛作苟

銜鬚自刎處也其水東北流注

于渭渭水常若東南不東北也又東泉水注之水出

西南崔富谷東北逕襄武縣南東北流入于渭魏志

稱咸熙二年襄武上言大人見身長三丈餘跡長三

尺二寸

案近刻訛作一寸

白髮著黃單衣巾拄杖呼民王始

語云今當太平十二月天祿永終歷數在晉遂遷魏

而事晉

又東過獮道縣南

右則岑溪水次則同水俱左注之

案近刻脫注之二字

次則過

水右注之

案近刻脫次字

渭水又東南逕獮道縣故城西

案近

刻脫又字縣字

昔秦孝公西斬戎之獮王

案此下近刻有于此二字

應劭

曰獮戎邑也漢靈帝中平五年

紫近刻脫
中平二字

別為南安

郡赤亭水出郡之東山赤谷

紫近刻脫
郡之二字

西流逕城北

南入渭水渭水又逕城南得粟水水出西南安都谷

東北流注于渭渭水又東新興川水出西南烏鼠山

二源合舍東北流與彰川合水出西南溪下東北至

彰縣南本屬故道侯尉治後漢縣之永元元年和帝

封耿秉為侯國也

紫近刻
脫和字

萬年川水出南山東北流

注之又東北注新興川又東北逕新興縣北晉書地

道記南安之屬縣也其水又東北與南川水合水出
西南山下東北合北水又東北注于渭水渭水又東
逕武城縣西武城川水入焉津源所導出鹿部西山
兩源合注東北流逕鹿部南亦謂之鹿部水又東北
昌丘水出西南丘下東北注武城水亂流東北注渭
水渭水又東入武陽川又有關城川水出南安城谷
水出北兩川參差注渭水案兩近刻訛作丘渭水又東有落
門西山東流三谷水注之案有近刻訛作與又谷上衍府字三川統

一東北流注于渭水有落門聚昔馮異攻落門未拔而薨建武十年來歙又攻之擒隗囂子純隴右平渭水自落門東至黑水峽左右六水夾注左則武陽溪水次東得土門谷水

案次東近刻訛作東門

俱出北山南流入

渭右則溫谷水

案近刻則下行有字又脫水字

次東有故城溪水次

東有閭里溪水亦名習溪水次東有黑水竝出南山

北流入渭渭水又東出黑水峽

案原本及近刻竝脫峽字今據下文補

歷冀州

又東過冀縣北

渭水自黑水峽至岑峽南北十一水注之

案十一近刻訛作一

十北則溫谷水

案此下近刻有注之其水因字

導平襄縣南山溫溪

東北流逕平襄縣故城南

案近刻脫故字城南訛作南城

故襄戎邑

也王莽之所謂平相矣

案近刻訛作之謂平襄縣矣

其水東南流

歷三堆南又東流南屈歷黃槐川

案流下近刻衍而字歷訛作入

梗

津渠冬則輟流春夏水盛則通川注渭次則牛谷水

案近刻作牛谷水

南入渭水南有長塹谷水次東有安蒲溪

水次東有衣谷水竝南出朱圉山山在梧中聚有石

鼓不擊自鳴鳴則兵起漢成帝鴻嘉三年天水冀南

山有大石自鳴聲隱隱如雷有頃止聞于平襄二百

四十里野雞皆鳴

案皆近刻訛作自

石長丈三尺廣厚略等

著崖脅

案著近刻作在

去地百餘丈民俗名曰石鼓石鼓鳴

則有兵是歲廣漢鉗子攻死囚盜庫兵略吏民衣繡

衣自號為仙君黨與漫廣明年冬伏誅自歸者三十

餘人信而有徵矣

案近刻脫矣字

其水北逕冀縣城北秦武

公十年伐冀戎縣之故天水郡治王莽更名鎮戎縣

曰冀治漢明帝永平十七年改曰漢陽郡城即隗囂

稱西伯所居也後漢馬超之圍冀也

紫近刻
脫漢字

涼州別

駕閭伯儉潛出水中將告急夏侯淵為超所擒令告

城無救伯儉曰大軍方至咸稱萬歲超怒數之伯儉

曰卿欲令長者出不義之言乎

紫義近刻
訛作利

遂殺之渭

水又東合冀水水出冀谷次東有濁谷水

紫近刻
脫有字

次

東有當里溪水次東有託里水次東有渠谷水次東

有黃土川水

紫近刻
脫有字

俱出南山北逕冀城東而北流

注于渭

紫近刻
脫注字

渭水又東出岑峽入新陽川逕新陽

下城南溪谷赤蒿二水竝出南山東北入渭水渭水

又東與新陽崖水合即隴水也東北出隴山其水西

流右逕瓦亭南

紫流下近
刻衍隴字

隗囂聞略陽陷使牛邯守

瓦亭即此亭也一水亦出隴山

紫一近刻
訛作其

東南流歷

瓦亭北又西南合為一水謂之瓦亭川西南流逕清

賓溪北又西南與黑水合水出黑城北西南逕黑城

西西南流莫吾南川水注之水東北出隴垂西南流

歷黑城南注黑水黑水西南出懸鏡峽又西南入瓦

亭水

紫近刻作川

又有澁水自西來會

紫來近刻訛作東

世謂之

鹿角口又南逕阿陽縣故城東中平元年北地羌胡

與邊章侵隴右漢陽長史蓋勲

紫史近刻訛作吏

屯阿陽以

拒賊即此城也其水又南與燕無水合水源延發東

山西注瓦亭水瓦亭水又南左會方城川西注瓦亭

水瓦亭水又南逕成紀縣東歷長離川謂之長離水

右與成紀水合水導源

案此三字近刻
作源導二字

西北當亭川

東流出破石峽津流遂斷故瀆東逕成紀縣故帝太

皐庖犧所生之處也漢以為天水郡縣

案近刻
脫郡字

王莽

之阿陽郡治也又東潛源隱發通入成紀水

案入近
刻訛作

之東南入瓦亭水

案近刻
作川

瓦亭水又東南

案瓦亭水
近刻作川

水與受渠水相會水東出大隴山西逕受渠亭北又

西南入瓦亭水

案近刻
作川

瓦亭水又西南流

案瓦亭水
近刻作川

水歷僵人峽路側巖上有死人僵尸巖穴故岫壑取

名焉釋峯就穴直上可百餘仞石路逶迤劣通單步
僵尸倚窟枯骨尚全惟無膚髮而已訪其川居之士

云其鄉中父老作童兒時

案近刻訛作兒童時

已聞其長舊傳

此當是數百年骸矣其水又西南與略陽川水合水
出隴山香谷西西流右則單溪西注左則閭川水入

焉

案閭近刻訛作閭脫川字

其水又西歷蒲池郊石魯水出東南

石魯溪西北注之其水又西歷略陽川西得破社谷
水次西得平相谷水又西得金里谷水又西得南室

水又西得蹠谷水竝出南山北流于略陽城東揚波

北注川水又西逕略陽道故城北塋渠水出南山

紫塋

近刻訛作渥

北逕塋峽北入城建武八年中郎將來歛與

祭遵所部護軍王忠右輔將軍朱寵將二千人皆持

鹵刀斧自安民縣之楊城元始二年平帝罷安定渚

沱苑以為安民縣起官寺市里

紫元始二年至此乃注內之小注近刻元

始訛作永始平帝訛作成帝渚沱作呼他

從番須回中伐樹木開山道至

略陽

案從番須回中本直接上自安民縣之楊城句近刻從字上有朱歛二字乃後人妄增入

夜

襲擊驚拒守將金梁等

紫近刻訛作拒守將軍金梁城等

皆殺之因

保其城隗驚聞略陽陷悉衆以攻欽激水灌城光武

親將救之

紫近刻脫此二字

驚走西城世祖與來欽會于此

其水自城北注川一水二川蓋驚所竭以灌略陽也

川水西得白楊泉又西得蒲谷水又西得蒲谷西川

又西得龍尾溪水與蒲谷水合

紫蒲近刻訛作渭

俱出南山

飛清北入川水川水又西南得水洛口水源東導隴

山西逕水洛亭西南流又得犢奴水口水出隴山西

逕犢奴川又西逕水洛亭南西北注之亂流西南逕石門峽謂之石門水西南注略陽川略陽川水又西北流入瓦亭水瓦亭水又西南出顯親峽石宕水注之

案宕近刻訛作巖

水出北山山上有女媧祠庖羲之後有

帝女媧焉與神農為三皇矣其水南流注瓦亭水瓦亭水又西南逕顯親縣故城東南漢封大鴻臚竇固

為侯國自石穴次得蝦蟆溪水次得金黑水

案近刻脫次字

又得宜都溪水咸出左右參差相入瓦亭水又東南

合安夷川口水源東出胡谷

案出下近
刻衍更字

西北流歷夷

水川與東陽川水會謂之取陽交又西得何宕川水

又西得羅漢水竝自東北西南注夷水夷水又西逕

顯親縣南西注瓦亭水瓦亭水又東南得大華谷水

又東南得折里溪水又東得六谷水

案谷近刻
訛作合

皆出

近溪湍峽注瓦亭水又東南出新陽峽崖岫壁立水

出其間謂之新陽崖水又東南注于渭也

案近刻訛
作流于渭

也是

又東過上邽縣

渭水東歷縣北邽山之陰流逕固嶺東北

紫近刻脫流字東字

東南流蘭渠川水出自北山帶佩衆溪南流注于渭

渭水東南與神澗水合開山圖所謂靈泉池也俗名

之為萬石灣淵深不測寔為靈異先後漫遊者多懼

其斃渭水又東南得歷泉水水北出歷泉溪

紫近刻脫一水

字及東南流注于渭渭水又東南出橋亭西

紫近刻訛作出

橋西亭西

又南得藉水口水出西山百澗聲流總成一川

東歷當亭川即當亭縣治也左則當亭水右則曾席

水注之

案注之二字近刻訛在上當亭水下

又東與大弁川水合

案川近刻

訛作州脫水合二字

水出西山二源合注東歷大弁川東南流

注于藉水藉水又東南流與竹嶺水合水出南山竹

嶺二源同瀉東北入藉水藉水又東北逕上邽縣

案近

刻又下行次字逕作入

左佩四水

案近刻訛作五水

東會占溪水次東

有大魯谷水

案谷近刻訛作溪

次東得小魯谷水次東有楊

反谷水咸自北山流注藉水

案近刻脫流字

藉水右帶四水

案近刻訛作
又帶五水

竹嶺東得亂石溪水次東得木門谷水

案木近刻
訛作水

次東得羅城溪水次東得山谷水皆導源

南山北流入藉水藉水又東黃瓜水注之其水發源

黃瓜西谷東流逕黃瓜縣北又東清溪白水左右夾

注又東北大旱谷水南出旱溪歷澗北流泉溪委漾

同注黃瓜水黃瓜水又東北歷赤谷咸歸于藉藉水

又東得毛泉谷水

案得近
刻作合

又東逕上邽城南

案此下
近刻衍

又得覈泉水竝出南山北流注于藉藉水即洋水也

北有濛水注焉水出縣西北邽山翼帶衆流積以成
溪東流南屈逕上邽縣故城西側城南出上邽故邽
戎國也秦武公十年伐邽縣之舊天水郡治五城相
接北城中有湖水有白龍出是湖風雨隨之故漢武
帝元鼎三年

紫近刻訛
作二年

改為天水郡其鄉居悉以板

蓋屋詩所謂西戎板屋也濛水又南注藉水山海經
曰邽山濛水出焉而南流注于洋謂是水也藉水又
東得陽谷水又得宕谷水

紫宕下近
刻衍水字

竝自南山北入

于藉藉水又東合段溪水水出西南馬門溪東北流

合藉水藉水又東入于渭渭水又歷橋亭南而逕綿

諸縣東

紫逕近刻
訛作入

與東亭水合亦謂之為橋水也清

水又或為通稱矣水源東發小隴山衆川瀉注統成

一水西入東亭川為東亭水與小祗大祗二水合又

西北得南神谷水三川竝出東南差池瀉注又有埋

蒲水翼帶二川與延水竝西南注東亭水東亭水又

西右則歎溝水

紫歎近刻
訛作嘆

次西得麴谷水水出東南

案水下近刻衍側字

二溪西北流注東亭川東亭川水右則溫

谷水出小隴山又西莎谷水出南山莎溪

案莎近刻訛作莎南

山訛作南北

西南注東亭川水東亭川水又西得清水口

案此下近刻有清字

水導源東北隴山二源俱發西南出隴口

案近刻訛作龍谷

合成一水西南流歷細野峽

案歷近刻訛作磨

逕

清池谷又逕清水縣故城東王莽之識睦縣矣其水

西南合東亭川自下亦通謂之清水矣

案近刻脫自下亦通四字

及矣字

又逕清水城南又西與秦水合水出東北大隴

山秦谷二源雙導歷三泉合成一水而歷秦川川有

故秦亭

案近刻訛作
有育故亭

秦仲所封也秦之為號始自是

矣秦水西逕降隴縣故城南又西南自亥松多二水
出隴山合而西南流逕降隴城北又西南注秦水秦
水又西南歷隴川逕六槃口過清水城西南注清水
清水上下咸謂之秦川又西羌水注焉水北出羌谷
引納衆流合以成溪澍水星會謂之小羌水西南流
左則長谷水西南注之

案近刻
脫則字

右則東部水東南入

焉羌水又南入清水

案近刻脫又字

清水又西南得綿諸水

口其水導源西北綿諸溪

案近刻脫水字綿字

東南有長思水

案有近刻訛作與

北出長思溪

案近刻脫長字

南入綿諸水又東南

歷綿諸道故城北

案近刻訛作歷綿諸道北

東南入清水清水

東南注渭渭水又東南合涇谷水水出西南涇谷之

山東北流與橫水合水出東南橫谷西北涇橫水壩

又西北入涇谷水

案近刻訛作入西北涇谷水

亂流西北出涇谷

峽又西北軒轅谷水注之水出南山軒轅溪南安姚

瞻以為黃帝生于天水在上邽城東七十里軒轅谷
皇甫謐云生壽丘丘在魯東門北未知孰是也其水

北流注涇谷水涇谷水又西北白城溪東北流

案城下近

刻衍
谷字

白娥泉水出其西東注白城水白城水又東北

入涇谷水涇谷水又東北歷董亭下楊難當使兄子

保宗鎮董亭即是亭也其水東北流注于渭山海經

曰涇谷之山涇水出焉東南流注于渭是也渭水又

東伯陽谷水入焉水出刑馬之山伯陽谷北流白水

出東南白水溪

紫近刻訛作白溪水

西北注伯陽水伯陽水又

西北歷谷引控羣流北注渭水渭水又東歷大利又

東南流苗谷水注之水南出刑馬山

紫南出近刻北訛作出南

歷平作西北逕苗谷屈而東逕伯陽城南謂之伯陽

川蓋李耳西入往逕所由故山原畎谷往往播其名

馬渭水東南流衆川瀉浪

紫川近刻訛作水

鴈次鳴注

紫鴈近刻

訛作左則伯陽東溪水注之次東得望松水次東得

毛六溪水次東得皮周谷水次東得黃杜東溪水出

北山南入渭水其右則明谷水

紫明近刻作胡

次東得丘谷

水

紫近刻脫得字

次東得丘谷東溪水次東有鉗巖谷水

紫鉗

近刻訛作銅

竝出南山東北注渭渭水又東南出石門度

小隴山逕南由縣南

紫由近刻訛作田

東與楚水合世所謂

長蛇水水出汧縣之數歷山也南流逕長蛇戍東魏

和平三年築徙諸流民以遏隴寇楚水又南流注于

渭闕駟以是水為汧水焉

紫汧近刻訛作汧

渭水又東汧汧

二水入焉余按諸地志

紫諸近刻訛作渭

汧水出汧縣西北

闕駟十三州志與此同復以汧水為龍魚水蓋以其
津流逕通而更攝其通稱矣渭水東入散關抱朴子
神仙傳曰老子西出關關令尹喜候氣知真人將有
西遊者遇老子彊令之著書耳不得已為著道德二
經謂之老子書也有老子廟于寶搜神記云老子將
西入關關令尹喜好道之士覩真人當西乃要之途
也皇甫士安高士傳云老子為周柱下史及周衰乃
以官隱為周守藏室史積八十餘年好無名接而世

莫知其真人也至周景王十年孔子年十七遂適周

見老聃然幽王失道

紫失下近刻行其字

平王東遷闕以捍移

人以職徙尹喜候氣非此明矣

紫此下近刻衍而字

往逕所由

茲焉或可渭水又東逕西武功北俗以為散關城

紫近

刻脫為字城訛作名

非也褚先生乃曰武功扶風西界小邑也

蜀口棧道近山無他豪易高者是也渭水又與扞水

合

紫與下近刻行其字

水出周道谷北逕武都故道縣之故城

西王莽更名曰善治也故道縣有怒特祠列異傳曰

武都故道縣有怒特祠云神本南山大梓也昔秦文公二十七年伐之樹瘡隨合秦文公乃遣四十人持斧斫之猶不斷疲士一人傷足不能去卧樹下聞鬼相與言曰勞攻戰乎其一曰足為勞矣又曰秦公必持不休荅曰其如我何又曰赤灰跋于子何如乃默無言卧者以告令士皆赤衣隨所斫以灰跋樹斷化為牛入水故秦為立祠其水又東北歷大散關而入渭水也渭水又東南

紫近刻訛作雨

右合南山五溪水夾澗

流注之

又東過陳倉縣西

縣有陳倉山山上有陳寶雞鳴祠

案近刻脫陳字

昔秦文公

感伯陽之言

案陽近刻訛作道

遊獵于陳倉過之于此坂得

若石焉其色如肝歸而寶祠之故曰陳寶其來也自

東南暉暉聲若雷野雞皆鳴故曰雞鳴神也地理志

曰有上公明星黃帝孫舜妻盲冢祠

案近刻脫祠字

有羽陽

宮秦武王起應劭曰縣氏陳山姚睦曰黃帝都陳言

在此榮氏開山圖注曰伏犧生成紀

案此下近刻重一紀字

徙

治陳倉非陳國所建也魏明帝遣將軍太原郝昭築

陳倉城成諸葛亮圍之亮使昭鄉人靳祥說之不下

亮以數萬攻昭千餘人以雲梯衝車地道逼射昭昭

以火射連石拒之亮不利而還今汧水對亮城

案汧近刻

訛作瀉

是與昭相禦處也陳倉水出于陳倉山下東南

流注于渭水渭水又東與綏陽溪水合

案近刻脫綏字水字

其

水上承斜水水自斜谷分注綏陽溪北屈陳倉入渭

故諸葛亮與兄瑾書曰有綏陽小谷雖山崖絕險

紫近

刻訛作重

溪水縱橫難用行軍昔邏候往來要道通入

紫近

刻昔訛作者入訛作人

今使前軍斫治此道以向陳倉足以扳

連賊勢使不得分兵東行者也渭水又東逕郁夷縣

故城南地理志曰有汧水祠王莽更之曰郁平也東

觀漢記曰

紫記近刻訛作書

隗囂圍來歙于略陽世祖詔曰

桃花水出船槃皆至郁夷陳倉分部而進者也汧水入馬水出汧縣之蒲谷鄉弦中谷決為弦蒲數爾雅

曰水決之澤為汧汧之為名寔兼斯舉水有二源一
水出縣西山世謂之小隴山巖嶂高險不通軌轍故
張衡四愁詩曰我所思兮在漢陽欲往從之隴坂長
其水東北流歷澗注以成淵潭漲不測出五色魚俗
以為靈而莫敢採捕因謂是水為龍魚水自下亦通
謂之龍魚川川水東逕汧縣故城北史記秦文公東
獵汧田因遂都其地是也又東歷澤亂流為一案近
刻脫
右得白龍泉案近刻脫得
字白訛作日泉徑五尺源穴奮通案
穴

近刻訛
作流

淪漪四泄東北流注于汧汧水又東會一水

水發南山西側俗以此山為吳山三峰霞舉疊秀雲

天崩巒傾返山頂相捍望之恆有落勢地理志曰吳

山在縣西古文以為汧山也

案文近刻訛作
之脫以為二字

國語所

謂虞矣山下石穴廣四尺高七尺水溢石空懸波側

注湍湊震盪

案近刻
脫震字

發源成川

案源下近
刻衍穴字

北流注于

汧自水會上下咸謂之為龍魚川汧水又東南逕隄

糜縣故城南王莽之扶亭也昔郭欽恥王莽之徵而

遯跡于斯建武四年光武封耿況為侯國矣汧水東

南歷慈山東南逕郁夷縣平陽故城南史記秦寧公

二年徙平陽徐廣曰故郿之平陽亭也

紫郿近刻訛作郁

城

北有漢郿州刺史趙融碑靈帝建安元年立汧水又

東流注于渭

紫近刻脫注字

渭水之右磻溪水注之水出南

山茲谷乘高激流注于溪中溪中有泉謂之茲泉泉

水潭積自成淵渚即呂氏春秋所謂太公釣茲泉也

今人謂之九谷

紫九近刻訛作凡

石壁深高幽隍邃密林障

秀阻人跡罕交東南隅有一石室

紫近刻
脫一字

蓋太公所

居也水次平石釣處

紫水下近
刻衍流字

即太公垂釣之所也

其投竿踞餌兩鄰遺跡猶存是有磻溪之稱也其水

清泠神異北流十二里注于渭北去維堆城七十里

渭水又東逕積石原

紫近刻
脫積字

即北原也青龍二年諸

葛亮出斜谷司馬懿屯渭南雍州刺史郭淮

紫近刻
脫刺史

二策亮必爭北原而屯遂先據之亮至果不得上

紫近

刻脫此
四字

渭水又東逕五丈原北魏氏春秋曰諸葛亮

據渭水南原司馬懿謂諸將曰亮若出武功依山東
轉者是其勇也若西上五丈原諸君無事矣亮果屯
此原與懿相禦渭水又東逕郿縣故城南地理志曰
右輔都尉治魏春秋諸葛亮寇郿司馬懿據郿拒亮
即此縣也渭水又東逕郿塢南漢獻帝傳曰董卓發
卒築郿塢高與長安城等積穀為三十年儲自云事
成雄據天下不成守此足以畢老其愚如此

紫渭水
又東逕

郿塢南至此原本及近刻並訛在後雍水之末又南
流注于渭下今考元和志云郿縣故城在今縣東北

十五里董卓塢在縣東北十六里寨字記云武功故
城在今郿縣東四十里郿塢即與郿縣故城比近不
得隔越武功方
及郿塢今改正

水經注卷十七

欽定四庫全書

水經注卷十八

魏 酈道元 撰

渭水

案近刻前卷表目作渭水上此作渭水中

又東過武功縣北

渭水于縣斜水自南來注之

案近刻脫來字

水出縣西南衙

嶺山北歷斜谷逕五丈原東諸葛亮與步騭書曰僕前軍在五丈原原在武功西十里餘水出武功縣故

亦謂之武功水也是以諸葛亮表云臣遣虎步監孟
琰據武功水東司馬懿因水長攻琰營臣作竹橋越
水射之橋成馳去其水北流注于渭地理志曰斜水
出衙嶺北至郿注渭渭水又東逕馬冢北諸葛亮與
步騭書曰馬冢在武功東十餘里有高勢攻之不便
是以畱耳渭水又逕武功縣故城北王莽之新光也
地理志曰縣有太一山古文以為終南杜預以為中
南也亦曰太白山在武功縣南去長安二百里不知

其高幾何俗云武功太白去天三百山下軍行不得
鼓角鼓角則疾風雨至杜彥達曰太白山南連武功
山于諸山最為秀傑冬夏積雪望之皓然山上有谷
春祠春櫟陽人成帝時病死而尸不寒後忽出櫟南
門及光門上而入太白山民為立祠于山嶺春秋來
祠中上宿焉山下有太白祠民所祀也劉曜之世是
山崩長安人劉終于崩所得白玉方一尺有文字曰
皇亡皇亡敗趙昌井水竭構五梁罅酉小衰困囂喪

嗚呼嗚呼赤牛奮剝其盡乎時羣官畢賀中書監劉
均進曰此國滅之象其可賀乎終如言矣渭水又東
溫泉水注之水出太一山其水沸涌如湯杜彥達曰
可治百病世清則疾愈世濁則無驗其水下合溪流
北注十三里入渭渭水又東逕釐縣故城南舊郃城
也后稷之封邑矣詩所謂即有郃家室也

案即原本
訛在詩字

上城東北有姜嫄祠城西南百步有稷祠郃之釐亭
也王少林之為郃縣也路逕此亭亭長曰亭凶殺人

少林曰仁勝凶邪何鬼敢忤遂宿夜中聞女子稱冤之聲少林曰可前來理女子曰無衣不敢進少林投衣與之女子前訴曰妾夫為涪令之官過宿此亭為亭長所殺少林曰當為理寢冤勿復害良善也因解衣于地忽然不見明告亭長遂服其事亭遂清安渭水又東逕雍縣南雍水注之水出雍山東南流歷中牢溪世謂之中牢水亦曰冰井水南流逕胡城東俗名也蓋秦惠公之故居所謂祈年宮也孝公又謂之

為橐泉宮按地理志曰在雍崔駰曰穆公冢在橐泉
宮祈年觀下皇覽亦言是矣劉向曰穆公葬無丘壟
處也史記曰穆公之卒從死者百七十七人良臣子
車氏奄息仲行鍼虎亦在從死之中秦人哀之為賦
黃鳥焉余謂崔駰及皇覽謬志也

案所得白玉至此
句謬字止共四百

三十七字近刻
脫落據原本補

惠公孝公竝是穆公之後繼世之君

矣子孫無由起宮于祖宗之墳陵矣以是推之知二
證之非實也雍水又東

案近刻脫此四字
下有而字係衍文

左會左陽

水世名之西水水北出左陽溪南流逕岐州城西魏
置岐州刺史治左陽水又南流注于雍水雍水又與
東水合俗名也北出河桃谷南流右會南源世謂之
返眼泉亂流南逕岐州城東而南合雍水州居二水
之中南則兩川之交會也世亦名之為萍空水東流
鄧公泉注之水出鄧父祠北故名曰鄧公泉數源俱
發于雍縣故城南

案近刻
脫故字

縣故秦德公所居也晉書

地道記以為西號地也漢書地理志以為西號縣太

康地記曰

案近刻脫地字

號叔之國矣有號宮平王東遷叔

自此之上陽為南號矣雍有五時祠以上祠祀五帝

昔秦文公田于汧渭之間夢黃蛇自天下屬地其口

止于廊行以為上帝之神于是作廊時祀白帝焉

案近

刻作祠白帝

秦宣公作密時于渭南

案近刻作于陳倉北坂

祀青帝

焉靈公又于吳陽作上時祀黃帝作下時

案近刻脫此六字

祀炎帝焉獻公作畦時于櫟陽而祀白帝

案近刻作作畦時祀

赤帝焉

漢高帝問曰天有五帝今四何也

案近刻作今何四也

博

士莫知其故帝曰我知之矣待我而五遂立北時祀
黑帝焉應劭曰四面積高曰雍闕駟曰宜為神明之
隄故立羣祠焉又有鳳臺鳳女祠秦穆公時有簫史
者善吹簫能致白鵠孔雀穆公女弄玉好之公為作
鳳臺以居之積數十年一旦隨鳳去云雍宮世有簫
管之聲焉今臺傾祠毀不復然矣鄧泉東流注于雍
自下雖會他津猶得通稱故禹貢有雍沮會同之文
矣

案此句
舛誤

雍水又東逕召亭南世謂之樹亭川蓋召

樹聲相近誤耳亭故召公之采邑也京相璠曰亭在周城南五十里後漢郡國志曰郿縣有召亭謂此也

雍水又東南流與橫水合

案橫近刻訛作杜

水出杜陽山其

水南流謂之杜陽川東南流左會漆水水出杜陽縣之漆溪謂之漆渠故徐廣曰漆水出杜陽之岐山者

是也漆渠水南流大巒水注之

案巒近刻作藥

水出西北大

道川東南流入漆即故岐水也淮南子曰岐水出石橋山東南流相如封禪書曰收龜于岐漢書音義曰

岐水名也謂斯水矣二川并逝

案并近刻訛作洋

俱為一水

南與橫水合自下通得岐水之目

案近刻脫此八字

俗謂之

小橫水亦或名之米流川逕岐山西

案近刻訛作而

又屈逕

周城南城在岐山之陽而近西所謂居岐之陽也非

直因山致名亦指水取稱矣又歷周原下北則中水

鄉成周聚故曰有周也水北即岐山矣昔秦盜食穆

公馬處也岐水又東逕姜氏城南為姜水按世本炎

帝姜姓帝王世紀曰炎帝神農氏姜姓

案近刻脫姓字

母女

登

案女近刻訛作安

遊華陽感神而生炎帝長于姜水是其

地也東注雍水雍水又南

案近刻脫此十二字訛作水合而東四字

逕美

陽縣之中亭川合武水

案近刻脫此三字中亭川下有也字係訛舛衍文

水

發杜陽縣大嶺側東西三百步南北二百步

案此十字近刻

訛在下世謂之故縣川上

世謂之赤泥峴沿波歷澗俗名大橫水

也疑即杜水矣其水東南流東逕杜陽縣故城

案近刻脫

縣

字世謂之故縣川又故號縣有杜陽山

案號近刻訛作谷

山

北有杜陽谷有地穴北入亦不知所極在天柱山南

故縣取名焉亦指是水而攝目矣即王莽之通杜也

故地理志曰縣有杜水

案有近刻訛作自

杜水又東

案近刻脫杜水

又三字

二坑水注之水有二源一水出西北與瀆魑水

合而東

案近刻脫與字合上衍二字

歷五將山又合鄉谷水水出

鄉溪東南流入杜水

案近刻脫水字

謂之鄉谷川又南莫水

注之

案莫近刻訛作莫

水出好時縣梁山嶺東

案近刻訛作泉

南

逕梁山宮西故地理志曰好時有梁山宮秦始皇起

水東有好時縣故城王莽之好邑也世祖建武二年

封建威大將軍耿弇為侯國又南逕美陽縣之中亭

川注雍水謂之中亭水雍水又南逕美陽縣西

案近刻脫

雍水二字

章和二年

案近刻訛作永元二年

更封章侯耿秉為侯國

案彰近刻訛作

其水又南流注于渭

案此下原本及近刻並雜入渭

郭下衍雍字

水又東逕郿塢南至其愚如此共五十三字今訂正移前與渭水東逕郿縣故城南相比次

渭水

又東洛谷之水出其南山洛谷北流逕長城西魏甘

露三年蜀遣姜維出洛谷圍長城即斯地也

又東芒水從南來流注之

芒水出南山芒谷

案近刻
脫山字

北流逕玉女房水側山際

有石室世謂之玉女房芒水又北逕盤屋縣之竹園

中分為二水漢沖帝詔曰翟義作亂于東霍鴻負倚

盤屋芒竹即此也其水分為二流一水東北為枝流

案水下近
刻衍之字

一水北流注于渭也

水經注卷十八

欽定四庫全書

水經注卷十九

魏 鄴道元 撰

渭水

案近刻作渭水下經文上復衍渭水二字

又東過槐里縣南又東澇水從南來注之

渭水逕縣之故城南漢書集注李奇謂之小槐里縣

之西城也

案近刻脫縣字

又東與芒水枝流合水受芒水于

竹園東北流又屈而北入于渭

案近刻脫北字

渭水又東北

金匱要略卷十九
逕黃山宮南

案此十字原本及近刻並訛作經考黃山宮及就水田溪水皆在槐里縣西不

得與經清
泰今改正

即地理志所云縣有黃山宮惠帝二年起

者也

案二近刻
訛作三

東方朔傳曰武帝微行西至黃山宮

故世謂之遊城也

案近刻也上有非字衍

就水注之

案此四字原本及近

列並訛
作經

水出南山就谷北逕大陵西世謂之老子陵

昔李耳為周柱史以世衰入戎于此有冢事非經證
然莊周著書云老聃死秦失弔之三號而出是非不
死之言人稟五行之精氣陰陽有終變亦無不化之

理以是推之或復如傳古人許以傳疑故兩存耳就

水歷竹園北

案近刻脫竹字

與黑水合水上承三泉

案近刻脫水字

三說

作二就水之右三泉奇發言歸一瀆北流左注就水

案注近刻訛作逕

就水又北流注于渭渭水又東合田溪水

案此八字原本及近刻並訛作經

水出南山田谷北流逕長楊宮西

案近刻脫逕字

又北逕蓋屋縣故城西又東北與一水合水

上承蓋屋縣南源

案近刻訛作蓋屋南南泉

北逕其縣東又北逕

思鄉城西又北注田溪田溪水又北流注于渭水也

縣北有蒙龍渠

案近刻訛作縣苑有蒙龍源

上承渭水于郿縣東

逕武功縣為成林渠

案此有脫誤漢書地理志右扶風郿下云成國渠首受渭東北

至上林苑為蒙龍渠

東逕縣北

案近刻訛作縣苑

亦曰靈軹渠

案渠近刻訛作

源

河渠書以為引堵水

案近刻脫書字為字

徐廣曰一作諸川

案近刻訛作水

是也渭水又東逕槐里縣故城南

案此十一字原本及

近刻竝訛作經今考小槐里至此乃經所謂過槐里縣南也

縣古犬丘邑也周懿

王都之

案懿近刻訛作報

秦以為廢丘亦曰舒丘中平元年

靈帝

案中平近刻訛作和平靈帝訛作桓帝

封左中郎將皇甫嵩為侯

國縣南對渭水北背通渠史記秦本紀云秦武王三年渭水赤三日秦昭王三十四年渭水又大赤三日洪範五行傳云赤者火色也水盡赤以火沴水也渭水秦大川也陰陽亂秦用嚴刑敗亂之象後項羽入秦封司馬欣為塞王都櫟陽董翳為翟王都高奴章邯為雍王都廢丘為三秦漢祖北定三秦引水灌城遂滅章邯三年改曰槐里王莽更名槐治也世謂之為大槐里晉太康中始平郡治也其城遞帶防陸舊

渠尚存即漢書所謂槐里環堤者也東有漏水

案漏近刻

通作

出南山赤谷東北流逕長楊宮東宮有長楊樹因

以為名漏水

案近刻訛作渭水

又北歷葦園西

案近刻訛作逕葦園西

亦謂之仙澤又北逕望仙宮又東北耿谷水注之水

發南山耿谷北流與柳泉合東北逕五柞宮西長楊

五柞二宮

案近刻脫此七字

相去八里竝以樹名宮亦猶陶

氏以五柞立稱故張晏曰宮有五柞樹在盤屋縣西

其水北逕仙澤東又北

案近刻訛作北又

逕望仙宮東又北

與赤水會又北逕思鄉城東又北注渭水渭水又東

合甘水

案此七字原本及近刻並訛作經

水出南山甘谷北逕秦文

王薈陽宮西又北逕五柞宮東又北逕甘亭西在水

東鄠縣昔夏啓伐有扈作誓于是亭故馬融曰甘有

扈南郊地名也

案甘字近刻訛在扈字下

甘水又東得澇水口水

出南山澇谷北逕漢宜春觀東又北

案又字近刻訛在東字上

逕

鄠縣故城西澇水際城北出合美陂水水出宜春觀

北東北流注澇水澇水北注甘水而亂流入于渭

案近

剝脫滂水二字又脫
注甘水而亂五字

即上林故地也東方朔稱武帝

建元中微行北至池陽西至黃山南獵長楊東遊宜春夜漏十刻乃出與侍中常侍武騎待詔及隴西北地良家子能騎射者期諸殿下故有期門之號旦明入山下馳射鹿豕狐兔手格熊羆上大驪樂之上乃使大中大夫虞丘壽王

案乃近刻訛作仍

與待詔能用算者

舉籍阿城以南蓋屋以東宜春以西提封頃畷及其賈直屬之南山以為上林苑東方朔諫秦起阿房而

天下亂因陳泰階六符之事上乃拜大中大夫給事中賜黃金百斤卒起上林苑故相如請為天子遊獵之賦稱烏有先生亡是公而奏上林也

又東豐水從南來注之

豐水出豐溪西北流分為二水一水東北流為枝津一水西北流又北交水自東入焉又北昆明池水注

之又北逕靈臺西又北至石墩注于渭

案近刻脫此五十五字

地說云

案地近刻訛作他

渭水又東與豐水會于短陰山內

水會無他高山巽巒所有惟原阜石激而已水上舊

有便門橋與便門對直武帝建元三年造

案近刻訛作建武三

年造張昌曰橋在長安西北茂陵東如淳曰去長安四

十里渭水又逕太公廟北廟前有太公碑

案近刻脫廟字

文

字褫缺今無可尋渭水又東北與鄠水合

案此九字原本及近

刻竝訛作經

水上承鄠池于昆明池北周武王之所都也

故詩云考卜維王宅是鄠京維龜正之武王成之自

漢武帝穿昆明池于是地

案近刻脫武字

基構淪褫今無可

究春秋後傳曰使者鄭容入柏谷關至平舒置見華

山有素車白馬問鄭容安之答曰之咸陽車上人曰

案近刻訛作過鎬池曰

吾華山君使願託書致鄠池君子之咸

陽過鄠池見大梓下有文石取以款列梓

案列近刻訛作扣

當有應者以書與之勿妄發致之得所欲鄭容行至

鄠池見一梓下果有文石取以款梓應曰諾鄭容如

睡覺而見宮闕若王者之居焉謁者出受書入有頃

案近刻訛作又見頃

聞語聲言祖龍死神道茫昧理難辨測故

無以精其幽致矣鄠水又北流西北注與滌池合水出鄠池西而北流入于鄠毛詩云滌流浪也而世傳以為水名矣鄭玄曰豐鄠之間水北流也鄠水北逕

清泠臺西

案清泠近刻訛作漢靈

又逕磁石門西門在阿房前

悉以磁石為之故專其目令四夷朝者有隱甲懷刃

入門而脅之以示神故亦曰卻胡門也鄠水又北注

于渭

案注近刻訛作逕

渭水北有杜郵亭去咸陽十七里今

名孝里亭中有白起祠嗟乎有制勝之功慚尹商之

仁是地即其伏劍處也渭水又東北逕渭城南

案此九字

原本及近刻並訛作經

文穎以為故咸陽矣秦孝公之所居離

宮也獻公都櫟陽天雨金周太史儋見獻公曰周故

與秦國合而別別五百歲復合合七十歲而霸王出

至孝公作咸陽築冀闕而徙都之故西京賦曰秦里

其朔

案朔近刻訛作霸

實為咸陽太史公曰長安故咸陽也

漢高帝更名新城武帝元鼎三年別為渭城在長安

西北渭水之陽王莽之京城也始隸扶風後并長安

南有汭水注之

案此六字原本及近刻並訛作經沈並訛作沈下同考鄭縣東別有沈水

此乃濁水也為關中八川之一從穴不從尤

水上承皇子陂于樊川

案水字上

近刻衍其字

其地即杜之樊鄉也漢祖至櫟陽以將軍樊

噲灌廢丘最賜邑于此鄉也其水西北流逕杜縣之

杜京西

案逕近刻訛作注

西北流逕杜伯冢南杜伯與其友

左儒仕宣王儒無罪見害杜伯死之終能報恨于宣

王故成公子安五言詩曰誰謂鬼無知杜伯射宣王

汭水又西北逕下杜城即杜伯國也汭水又西北枝

合故渠渠有二流上承交水合于高陽原而北逕河

池陂東而北注次水次水又北與昆明故池會又北

逕秦通六基東又北逕竭水陂東又北得陂水水上

承其陂

案近刻訛作
得陂承其陂

東北流入于次水次水又北逕

長安城西與昆明池水合水上承池于昆明臺故王

仲都所居也桓譚新論稱元帝被病廣求方士漢中

送道士王仲都詔問所能對曰能忍寒暑乃以隆冬

盛寒日令袒載駟馬于上林昆明池上環冰而馳

案近

剡脫隆冬至
上林十三字

御者厚衣狐裘寒戰而仲都獨無變色

臥于池臺上矐然自若夏大暑日使曝坐環以十爐

火不言熱又身不汗池水北逕鄠京東秦阿房宮西

史記曰秦始皇三十五年以咸陽人多

案人上近
刻有之字

先

王之宮小乃作朝宮于渭南亦曰阿城也始皇先作

前殿阿房可坐萬人下可建五丈旗周馳為閣道自

殿直抵南山

案抵下近
刻衍城字

表山巔為闕為複道自阿房

度渭屬之咸陽象天極閣道絕漢抵營室也關中記

曰阿房殿在長安西南二十里殿東西千步南北三百步庭中受十萬人其水又屈而逕其北東北流注竭水陂陂水北出逕漢武帝建章宮東于鳳闕南東注泐水泐水又北逕鳳闕東三輔黃圖曰建章宮漢武帝造周二十餘里千門萬戶其東鳳闕高七丈五尺俗言貞女樓

案貞近刻訛作真

非也漢武帝故事云闕高

二十丈關中記曰建章宮圓闕臨北道有金鳳在闕上高丈餘故號鳳闕也故繁欽建章鳳闕賦曰

案鳳下近

刻衍樓字

秦漢規模廓然毀泯惟建章鳳闕歸然獨存雖

非象魏之制亦一代之巨觀也次水又北分為二水
一水東北流一水北逕神明臺東傳于宮室曰上于
建章中作神明臺并榦樓咸高五十餘丈皆作懸閣
輦道相屬焉三輔黃圖曰神明臺在建章宮中上有
九室今人謂之九子臺即實非也案即近刻訛作而次水又
逕漸臺東漢武帝故事曰建章宮北有太液池池中
有漸臺三十丈漸浸也為池水所漸一說星名也南

有壁門三層高三十餘丈中殿十二間階陛咸以玉
為之鑄銅鳳五丈飾以黃金樓屋上椽首薄以玉壁
因曰壁玉門也泚水又北流注渭亦謂是水為滴水
也故呂忱曰滴水出杜陵縣漢書音義曰滴水聲而
非水也亦曰高都水前漢之末王氏五侯大治池宅
案近刻
訛作沼
引泚水入長安城
案泚近刻
訛作他
故百姓歌之曰
五侯初起曲陽最怒壞決高都竟連五杜土山漸臺
像西白虎即是水也

又東過長安縣北

渭水東分為二水廣雅曰水自渭出為潁其猶河之
有雍也此潁東北流逕魏雍州刺史郭淮碑南又東
南合一水逕兩石人北秦始皇造橋鐵鍛重不勝故
刻石作力士孟賁等像以祭之鍛乃可移動也又東
逕陽侯祠北漲輒祠之此神能為大波故配食河伯
也後人以為鄧艾祠悲哉讒勝道消專忠受害矣此
水又東注渭水

案近刻訛作渭水又東注此水

水上有梁謂之渭橋

秦制也亦曰便門橋秦始皇作離宮于渭水南北以

象天宮故三輔黃圖曰渭水貫都象天漢橫橋南

度以法牽牛南有長樂宮北有咸陽宮欲通二宮之

間故造此橋

案近刻脫南有至
造此共十九字

廣六丈南北三百八

十步

案三百近刻
訛作二百

六十八間七百五十柱百二十二

梁橋之南北有堤激立石柱柱南京北主之

案主近
刻訛作

立下

柱北馮翊主之有令丞各領徒千五百人橋之

北首壘石水中故謂之石柱橋也舊有忖留神像此

神嘗與魯班語班令其人出忖留曰我貌很醜卿善圖物容我不能出班于是拱手與言曰出頭見我忖留乃出首班于是以腳畫地忖留覺之便還沒水故置其像于水惟背以上立水上後董卓入關遂焚此

橋魏武帝更修之

案更上近刻衍遂字

橋廣三丈六尺

案近刻脫廣字

忖留之像曹公乘馬見之驚又命下之燕丹子曰燕太子丹質于秦秦王遇之無禮乃求歸秦王為機發之橋欲以陷丹丹過之橋不為發又一說交龍扶輦

而機不發

案扶近刻作捧

但言

案此下有脫文

今不知其故處也渭

水又東與汭水枝津合

案此十字原本及近刻並訛作經汭亦訛作沈

水上

承汭水東北流逕鄧父祠南又東分為二水一水東

入逍遙園注鵝池池中有臺觀蓮荷被浦秀實可翫

其一水北流注于渭

案近刻脫注字

渭水又東逕長安城北

案此九字原本及近刻並訛作經

漢惠帝元年築六年成即咸陽也

秦離宮無城故城之王莽更名常安

案常近刻訛作長

十二

門東出北頭第一門本名宣平門王莽更名春王門

正月亭一曰東都門

案一近刻作亦

其郭門亦曰東都門即

逢萌挂冠處也第二門本名清明門一曰訖門王莽

更名宣德門布恩亭

案名近刻作曰

內有藉田倉亦曰藉田

門第三門本名霸城門王莽更名仁壽門無疆亭民

見門色青又名青城門或曰青綺門亦曰青門門外

舊出好瓜昔廣陵人邵平為秦東陵侯秦破為布衣

種瓜此門瓜美故世謂之東陵瓜是以阮籍詠懷詩

云昔聞東陵瓜近在青門外連畛拒阡陌子母相鉤

帶指謂此門也南出東頭第一門本名覆盎門王莽
更名永清門長茂亭其南有下杜城應劭曰故杜陵
之下聚落也故曰下杜門又曰端門北對長樂宮第

二門本名安門亦曰鼎路門王莽更名光禮門顯樂

亭北對武庫

案近刻脫此四字

第三門本名平門又曰便門

案此四字近刻訛在後光華門也下

王莽更名信平門誠正亭一曰西

安門北對未央宮

案此十字近刻訛在顯樂亭下

西出南頭第一門

本名章門王莽更名萬秋門億年亭亦曰光華門也

案華近刻
訛作畢

第二門本名直門王莽更名直道門端路

亭故龍樓門也張晏曰門樓有銅龍三輔黃圖曰長

安西出第二門即此門也第三門本名西城門亦曰

雍門王莽更名章義門著義亭

案義近
刻作誼

其水北入有

函里民名曰函里門

案民近刻訛作氏又此句
之下衍又曰光門四字

亦曰

突門北出西頭第一門本名橫門王莽更名霸都門

左幽亭如淳曰音光故曰光門其外郭有都門有棘

門徐廣曰棘門在渭北孟康曰在長安北秦時宮門

也如淳曰三輔黃圖曰棘門在橫門外按漢書徐厲

軍于此備匈奴又有通門亥門也

案此下近刻行其字

第二門

本名厨門

案近刻訛作洛門

又曰朝門王莽更名建子門廣

世亭一曰高門蘇林曰高門長安城北門也

案此下近刻行

一曰厨門四字

其内有長安厨官在東故名曰厨門也

案近刻東

訛作事名訛作城

如淳曰今名廣門也第三門本名杜門亦

曰利城門王莽更名進和門臨水亭其外有客舍故

民曰客舍門

案近刻外訛作水民訛作名

又曰洛門也凡此諸門

皆通達九達三途洞開隱以金椎周以林木左出右
入為往來之徑行者升降有上下之別漢成帝之為
太子元帝嘗急召之太子出龍樓門不敢絕馳道西
至直城門方乃得度上怪遲問其故以狀對上悅乃
著令令太子得絕馳道也渭水東合昆明故渠渠上
承昆明池東口東逕河池陂北

案近刻
脫陂字

亦曰女觀陂

又東合泔水亦曰漕渠又東逕長安縣南東逕明堂
南舊引水為辟雍處在鼎路門東南七里其制上圓

下方九宮十二堂

案近刻訛作室

四嚮五室

案近刻訛作色

堂北三

百步有靈臺是漢平帝元始四年立

案元始近刻訛作永始

渠

南有漢故園丘成帝建始二年罷雍五時始祀皇天

上帝于長安南郊應劭曰天郊在長安南即此也故

渠之北有白亭博望苑漢武帝為太子立使通賓客

從所好也太子巫蠱事發斫杜門東出史良娣死葬

于苑北宣帝以為戾園以倡優千人樂思后園廟故

亦曰千鄉故渠又東而北屈逕青門外與泚水枝渠

會渠上承泂水于章門西飛渠引水入城東為倉池
池在未央宮西池中有漸臺漢兵起王莽死于此臺
又東逕未央宮北高祖在關東令蕭何成未央宮何
斬龍首山而營之山長六十餘里頭臨渭水

案臨近
刻訛作

于脫
水字

尾達樊川頭高二十丈尾漸下高五六丈土色

赤而堅云昔有黑龍從南山出飲渭水其行道因山
成跡山即基闕不假築高出長安城北有玄武闕即
北闕也東有蒼龍闕闕內有閭闔止車諸門未央殿

東有宣室玉堂麒麟含章白虎鳳皇朱雀鸞鸞昭陽
諸殿天祿石渠麒麟三閣未央宮北即桂宮也周十
餘里內有明光殿走狗臺柏梁臺舊乘複道用相逕

通故張衡西京賦曰鉤陳之外閣道穹隆屬長樂與

明光

案隆近刻作
隆下脫屬字

逕北通于桂宮故渠出二宮之間

謂之明渠也又東歷武庫北舊樛里子葬于此樛里
子名疾秦惠王異母弟也滑稽多智秦人號曰智囊
葬于昭王廟西渭南陰鄉樛里故俗謂之樛里子云

我百歲後是有天子之宮夾我墓疾以昭王七年卒

案疾近刻訛作穴

葬于渭南章臺東至漢長樂宮在其東未

央宮在其西武庫直其墓秦人諺曰力則任鄙智則

樗里是也明渠又東逕漢高祖長樂宮北本秦之長

樂宮也周二十里殿前列銅人殿西有長信長秋永

壽永昌諸殿殿之東北有池池北有層臺俗謂是池

為酒池非也故渠北有樓豎漢京兆尹司馬文預碑

案近刻脫豎字

故渠又東出城分為二渠即漢書所謂王渠

者也蘇林曰王渠官渠也

案近刻訛作王宮家渠也

猶今御溝矣

晉灼曰渠名也在城東覆盎門外

案覆盎門近刻訛作霸門

一水

逕楊橋下即青門橋也側城北逕鄧父祠西而北注

渭今無水其一水右入昆明故渠

案近刻脫水右入昆明故六字

東

逕奉明縣廣城鄉之廉明苑南

案廉近刻訛作廣

史皇孫及

王夫人葬于郭北宣帝遷苑南

案此下近刻衍史王孫及王夫人七字

卜以為悼園益園民千六百家立奉明縣以奉二園

園在東都門昌邑王賀自霸御法駕郎中令龔遂驂

乘至廣明東都門是也故渠東北逕漢太尉夏侯嬰

冢西葬日柩馬悲鳴輕車罔進下得石櫨銘云于嗟

滕公居此室

案其內有長安尉官至此原本訛在後今斯原史二水也下朱謀埤移此

故

遂葬焉冢在城東八里飲馬橋南四里故時人謂之

馬冢故渠又北分為二渠東逕虎圈南而東入霸一

水北合渭今無水

案故逆葬焉至此原本訛在後陵之西如北一里西字下近刻多從

朱謀埤本載謂之馬冢以上二十三字移于此餘仍舊今考故渠又北以下乃注內叙昆明故渠所終未

氏不

察耳

又東過霸陵縣北霸水從縣西北流注之

案長安故城在今長安縣

西北霸陵故城在今咸寧縣東鄭縣故城在今華州北而華陰又在其東渭水西來由長安霸陵鄭縣乃至華陰入河原本經文于長安之後次華陰次鄭縣次霸陵接以東入于河近刻多從朱謀埠本長安之後次鄭縣次華陰次霸陵皆失之注內訛舛尤甚其所敘成國等渠散在數處漫無首尾紛糾難理今悉以地之方向比次推勘為之正

霸者水上地名也

案者字近刻訛在水字下

古曰滋水矣秦穆公

霸世更名滋水為霸水以顯霸功水出藍田縣藍田

谷所謂多玉者也西北有銅谷水

案谷近刻訛作公

次東有

輞谷水

案輞近刻訛作輕

二水合而西注

案近刻下衍之字

又西流

入塋水

案塋近刻訛作渥下同

塋水又西逕嶢關北歷嶢柳城

案近刻訛作柳峴城

東西有二城魏置青塋軍于城內

案青近刻訛作

清下同

世亦謂之青塋城也秦二世三年漢祖入自武

關攻秦趙高遣將距于嶢關者也土地記曰藍田縣

南有嶢關地名嶢柳道通荊州晉地道記曰關當上

洛縣西北塋水又西北流入霸霸水又北歷藍田川

逕藍田縣東

案近刻訛作也

竹書紀年梁惠成王三年

案近刻脫

成字

秦子向命為藍君蓋子向之故邑也川有漢臨江
王榮冢景帝以罪徵之將行祖于江陵北門車軸折
父老泣曰吾王不反矣榮至中尉郅都急切責王
年少恐而自殺葬于是川有燕數萬銜土置冢上百
姓矜之霸水又左合滹水歷白鹿原東即霸川之西
故芷陽矣史記秦襄王葬芷陽者是也

案是字近刻
訛在也字下

謂之霸上漢文帝葬其上謂之霸陵上有四出道以
瀉水在長安東南三十里故王仲宣賦詩云南登霸

陵岸迴首望長安漢文帝嘗欲從霸陵上西馳下峻

坂

案近刻脫陵上二字

袁盎攬轡于此處上曰將軍怯也盎曰

臣聞千金之子坐不垂堂百金之子立不倚衡聖人

不乘危今馳不測如馬驚車敗奈高廟何上乃止霸

水又北長水注之水出杜縣白鹿原

案近刻訛作源

其水西

北流謂之荆溪

案此下近刻衍溪水二字

又西北左合狗柳川水

水有二源西川上承磈山之斫槃谷次東有苦谷二

水合而東北流逕風涼原西關中圖曰麗山之西川

中有阜名曰風涼原在磈山之陰雍州之福地即是

原也

案近刻
脫也字

其水傍溪北注原上有漢武帝祠其水

右合東川水出南山之石門谷次東有孟谷

案近刻
脫次東

有三

次東有大谷次東有雀谷次東有土門谷

案近刻
脫

次五水北出谷

案近刻
脫出字

西北歷風涼原東又北與西

川會原為二水之會亂流北逕宣帝許后陵東

案此
下近

刻衍
而字

北去杜陵十里斯川于是有狗枷之名川東亦

曰白鹿原也上有狗枷堡三秦記曰麗山西有白鹿

原原上有狗枷堡秦襄公時有大狗來下有賊則狗

吠之

案此下近刻衍故字

一堡無患故川得厥目焉川水又北

逕杜陵東元帝初元元年葬宣帝杜陵北去長安五

十里陵之西北有杜縣故城秦武公十一年縣之漢

宣帝元康元年以杜東原上為初陵更名杜縣為杜

陵

案此下近刻衍也字

王莽之饒安也其水又北注荆溪荆溪

水又北逕霸縣

案逕近刻訛作入

又有溫泉入焉水發自原

下入荆溪水亂流注于霸俗謂之澹水非也史記音

義文帝出安門注云在霸陵縣有故亭即郡國志所謂長門亭也史記云霸漣長水也雖不在祀典以近咸陽秦漢都涇渭長水盡得比大川之禮昔文帝居霸陵北臨廁指新豐路示慎夫人曰此走邯鄲道也因使慎夫人鼓瑟上自倚瑟而歌悽愴悲懷顧謂羣臣曰以北山石為槨用紵絮斲陳漆其間豈可動哉釋之曰使其中有可欲雖錮南山猶有隙使無可欲雖無石槨又何戚焉文帝曰善拜廷尉韋昭曰高岸

夾水為厠今斯原夾二水也

案又東過霸陵縣北至此原本訛在後灌水又

北注于渭之後朱謀埤本訛在又逕藕原東東南注于渭之後今改正

霸水又北會兩

川又北故渠右出焉

案渠右近刻訛作源左

霸水又北逕王莽

九廟南王莽地皇元年博徵天下工匠壞撤西苑建

章諸宮館十餘所取材瓦以起九廟算及吏民以義

入錢穀助成九廟廟殿皆重屋太初祖廟東西南北

各四十丈高十七丈餘廟半之為銅薄櫨飾以金銀

雕文窮極百工之巧褫高增下功費數百巨萬卒死

者萬數霸水又北逕枳道在長安縣東十三里王莽

九廟在其南漢世有白蛾羣飛

案蛾近刻訛作驚

自東都門

過枳道

案過下近刻有于字

呂后被除于霸上還見倉狗戟脅

于斯道也水上有橋謂之霸橋地皇三年霸橋木災

自東起卒數千以水汎沃救不滅晨熾夕盡王莽惡

之下書曰甲午火橋乙未立春之日也予以神明聖

祖黃虞遺統受命至于地皇四年為十五年正以三

年終冬

案近刻脫聖祖至正以共二十字

絕滅霸駁之橋欲以興成

新室統一長存之道其名霸橋

案近刻脫橋字

為長存橋霸

水又北左納漕渠絕霸右出焉東逕霸城北又東逕

子楚陵北皇甫謐曰秦莊王葬于芷陽之麗山

案芷陽近

刻訛作

京兆東南霸陵山劉向曰莊王大其名立墳

芒蕩

者也戰國策曰莊王字異人更名子楚故世人猶以

子楚名陵又東逕新豐縣右會故渠渠上承霸水

案近

刻脫一

東北逕霸城縣故城南

案霸城縣近刻脫城字

漢文帝

渠字

之霸陵縣也

案陵下近刻衍漢字

王莽更之曰水章魏明帝景

初元年

案近刻訛作文
市黃初元年

徙長安金狄重不可致因留

霸城南人有見薊子訓與父老共摩銅人曰正見鑄

此時計爾日已近五百年矣

案近刻爾訛作
其已訛作似

故渠又

東北逕劉更始冢西更始二年為赤眉所殺故侍中

劉恭夜往取而埋之光武使司徒鄧禹收葬于霸陵

縣更始尚書僕射行大將軍事鮑永持節安集河東

聞更始死歸世祖累遷司隸校尉行縣經更始墓

案經

近刻
作逕

遂下拜哭盡哀而去帝問公卿大中大夫張湛

曰仁不遺舊忠不忘君行之高者帝乃釋

案此下近刻衍之字

又東北逕新豐縣右合漕渠

案右近刻訛作又

漢大司農鄭

當時所開也以渭難漕命齊水工徐伯發卒穿渠引

渭其渠自昆明池

案其渠近刻訛作今源

南傍山原東至于河

且田且漕大以為便今無水

案近刻脫此二字

霸水又北逕

秦虎園東列士傳曰秦昭王會魏王魏王不行使朱

亥奉璧一雙秦王大怒置朱亥虎園中亥瞋目視虎

皆裂血出濺虎虎不敢動即是處也霸水又北入于

渭水渭水又東會成國故渠渠魏尚書左僕射衛臻

征蜀所開也號成國渠引以澆田

案田上近刻衍故字

其瀆上

承汧水于陳倉東東逕郿及武功槐里縣北渠左有

安定梁嚴冢碑碣尚存又東逕漢武帝茂陵南

案近刻脫

又東二字故槐里之茂鄉也應劭曰帝自為陵

案帝上近刻衍武字

在長安西北八十餘里漢武帝故事曰帝崩後見形

謂陵令薛平曰吾雖失勢猶為汝君奈何令吏卒上

吾陵磨刀劒乎自今以後可禁之平頓首謝因不見

推問陵傍果有方石可以為礪吏卒常盜磨刀劒霍
光欲斬之張安世曰神道茫昧不宜為法乃止故阮
公詠懷詩曰失勢在須臾帶劒上吾丘陵之西而北

一里

案霸水又北會兩川至此句西字止原本訛在前于嗟滕公居此室下朱謀埜移此考其文義

前後皆敘成國故渠所逕也

即李夫人冢冢形三成世謂之英陵

案英原本及近刻竝訛作英三輔黃圖云李夫人墓在茂陵西北一里俗名英陵

夫人兄延

年知音尤善歌舞帝愛之每為新聲變曲聞者莫不
感動常侍上起舞歌曰北方有佳人絕世而獨立一

顧傾人城再顧傾人國寧不知傾城復傾國

案復近刻訛作與

佳

人難再得上曰世豈有此人乎平陽主曰延年女弟上召

見之妖麗善歌舞得幸早卒上憫念之以后禮葬

案后近刻

訛作厚

悲思不已賦詩悼傷故渠又東逕茂陵縣故城南

武帝建元二年置地理志曰宣帝縣焉王莽之宣成也故渠

又東逕龍泉北今人謂之溫泉非也渠北故坂北即龍

淵廟

案北近刻訛作此

如淳曰三輔黃圖有龍淵宮今長安城

西有其廟處

案近刻訛作其處黃

蓋宮之遺也故渠又東逕姜原

北渠北有漢昭帝陵

案陵上近刻有平字

東南去長安七十里又東

逕平陵縣故城南地理志曰昭帝置王莽之廣利也故

渠之南有竇氏泉北有徘徊廟又東逕漢大將軍魏其

侯竇嬰冢南又東逕成帝延陵南

案近刻脫東逕二字

陵之東

北五里即平帝康陵坂也故渠又東逕渭陵南

案近刻脫南字

元帝永光四年

案永光近刻訛作永元

以渭城壽陵亭原上為初

陵詔不立縣邑又東逕哀帝義陵南又東逕惠帝安陵

南

案近刻脫東字

陵北有安陵縣故城

案此下近刻衍也字

地理志曰惠

帝置王莽之嘉平也渠側有杜郵亭又東逕渭城北

地理志曰縣有蘭池宮秦始皇微行逢盜于蘭池今

不知所在

案此下近刻有也字

又東逕長陵南亦曰長山也

案陵

之西而北一里而宇起至此原本及近刻竝訛在後下得為湖縣西下今考文義亦救成國故渠所逕上地望連比具有首尾後無所謂故渠者也

秦名天子冢曰山漢曰陵故

通曰山陵矣風俗通曰陵者天生自然者也今王公

墳壠稱陵春秋左傳曰南陵夏后臯之墓也春秋說

題辭曰丘者墓也冢者種也種墓也羅倚于山分卑

尊之名者也

案亦曰長山也下原本及近刻並接以三秦記曰長城北有平原廣數百里民

井汲巢居井深五十尺方接以秦名云云今訂正移于後

故渠又東逕漢丞相周

勃冢南冢北有亞夫冢故渠東南謂之周氏曲又東

南逕漢景帝陽陵南

案近刻脫陽字

又東南注于渭今無水

渭水又東逕霸城縣北

案近刻脫城字

與高陵分水水南有

定陶恭王廟傳太后陵元帝崩傳昭儀隨王歸國稱

定陶太后後十年恭王薨子代為王徵為太子太子

即帝位立恭王寢廟于京師比宣帝父悼皇故事元

壽元年傳后崩合葬渭陵潘岳關中記漢帝后同塋
則為合葬不共陵也諸侯皆如之恭王廟在霸城西
北廟西北即傳太后陵不與元帝同塋渭陵非謂元
帝陵也蓋在渭水之南故曰渭陵也陵與元帝齊者
謂同十二丈也王莽奏毀傳太后冢冢崩壓殺數百
人開棺臭聞數里

案近刻訛作月

公卿在位皆阿莽旨入錢

帛遣子弟及諸生四夷凡十餘萬人操持作具助將
作掘傳后冢二旬皆平周棘其處以為世戒今其處

積土猶高世謂之增墀又亦謂之增阜俗亦謂之成
帝初陵處所未詳也渭水又逕平阿侯王譚墓北冢
次有碑左則涇水注之渭水又東逕鄠縣西蓋隴西
郡之鄠徙也渭水又東得白渠枝口又東與五丈渠
合水出雲陽縣石門山謂之清水東南流逕黃嶽山
西又南入襃州縣歷原南出謂之清水口東南流絕
鄭渠又東南入高陵縣逕黃白城西本曲梁宮也南
絕白渠屈而東流謂之曲梁水又東南逕高陵縣故

城北東南絕白渠漬又東南入萬年縣謂之五丈渠

又逕竊原東東南流注于渭

案故渠又東逕漢丞相周勃冢南至此原本及

近刻竝訛在後白渠首起谷口尾入櫟陽是也今無水下考其文義仍敘成國故渠其入渭在景陵之東南渠自西而東逕漢諸陵光武帝茂陵次昭帝平陵次成帝延陵次元帝渭陵次哀帝義陵次惠帝安陵次高帝長陵次景帝陽陵據三輔黃圖所記茂陵在長安城西北八十里平陵在長安西北七十里延陵在扶風去長安六十二里渭陵在長安北五十六里義陵在扶風渭城西北原上去長安四十六里安陵在長安城北三十五里去長陵十里長陵亦去長安城三十五里陽陵在長安城東北四十五里注文前後錯忤數處其脈絡條貫可尋又以
渭水右逕新豐三輔黃圖諸陵里數參之無不脗合

縣故城北東與魚池水會水出麗山東北

案近刻北訛作也此

下又衍水字

本導源北流後秦始皇葬于山北水過而曲

行東注北轉始皇造陵取土其地汙深水積成池謂

之魚池也

案近刻訛作池

在秦皇陵東北五里周圍四里池

水西北流逕始皇冢北秦始皇大興厚葬營建冢壙

于麗戎之山一名藍田其陰多金其陽多玉始皇貪

其美名因而葬焉斬山鑿石下錮三泉

案錮近刻訛作涸以

銅為槨旁行周迴三十餘里上畫天文星宿之象下

以水銀為四瀆百川五嶽九州具地理之勢宮觀百
官奇器珍寶充滿其中令匠作機弩有所穿近輒射
之以人魚膏為燈燭取其不滅者久之後宮無子者
皆使殉葬甚衆墳高五丈周迴五里餘作者七十萬
人積年方成而周章百萬之師已至其下乃使章邯
領作者以禦難弗能禁項羽入關發之以三十萬人
三十日運物不能窮關東盜賊銷檑取銅牧人尋羊
燒之火延九十日不能滅北對鴻門十里池水又西

北流水之西南有溫泉世以療疾三秦記曰麗山西
北有溫水祭則得入不祭則爛人肉俗云始皇與神
女遊而忤其旨神女唾之生瘡

案近刻脫遊而忤其旨神女七字始

皇謝之神女為出溫水後人因以澆洗瘡張衡溫泉
賦序曰余出麗山觀溫泉浴神井嘉洪澤之普施乃
為之賦云此湯也不使灼人形體矣池水又逕鴻門
西又逕新豐縣故城東故麗戎地也高祖王關中太
上皇思東歸故象舊里制茲新邑立城社樹枌榆令

街庭若一分置豐民以實茲邑故名之為新豐也漢

靈帝建寧三年改為都鄉封段熲為侯國後立陰槃

城其水際城北出世謂是水為陰槃水

案城北近刻訛作北城又

脫出字

又北絕漕渠北注于渭

案渠北近刻訛作槃溝

渭水又東

逕鴻門北舊大道北下坂口名也

案近刻訛作坂下坂名也

右有

鴻亭

案近刻訛作古有鴻亭

漢書高祖將見項羽楚漢春秋曰

項王在鴻門亞父曰吾使人望沛公其氣衝天五色

采相繆

案近刻脫米字

或似龍或似雲非人臣之氣

案近刻作相

可誅之

案此下近刻有漢字

高祖會項羽范增目羽羽不應樊

噲杖盾撞人入食豕肩于此羽壯之郡國志曰新豐

縣東有鴻門亭者也郭緣生述征記

案近刻脫此三字

或云

霸城南門曰鴻門也項羽將因會危高祖羽仁而弗

斷范增謀而不納項伯終護高祖以獲免既抵霸上

遂封漢王按漢書注鴻門在新豐東十七里則霸上

應百里按史記項伯夜馳告張良良與俱見高祖仍

使夜返考其道里不容得爾今父老傳在霸城南門

數十里于理為得按緣生此記雖歷覽史漢述行涂
經見可謂學而不思矣今新豐縣故城東三里有坂
長二里餘塹原通道南北洞開有同門狀謂之鴻門

孟康言在新豐東十七里無之蓋指縣治而言非謂

城也

案城近列
訛作地

自新豐故城西至霸城五十里霸城

西十里則霸水西二十里則長安城應劭曰霸水上

地名在長安東二十里即霸城是也高祖舊停軍處

東去新豐既遠何由項伯夜與張良共見高祖乎推

此言之知緣生此記乖矣渭水又東石川水南注焉
渭水又東戲水注之水出麗山馮公谷東北流又北
逕麗戎城東春秋晉獻公五年伐之獲麗姬于是邑
麗戎男國也姬姓秦之麗邑矣又北右總三川逕鴻
門東又北逕戲亭東應劭曰戲弘農湖縣西界也地
隔諸縣不得為湖縣西

案渭水右逕新豐縣故城北
至此原本及近刻並訛在南

出符石下考郭縣在今臨潼縣西北新豐故城在臨
潼縣東北渭水逕郭縣而東與新豐地相連比今改

正
蘇林曰戲邑名在新豐東南四十里

案四近刻
訛作三
孟

康曰乃水名也今戲亭是也昔周幽王悅褒姒如不

笑王乃擊鼓舉烽以徵諸侯諸侯至

案近刻脫諸侯二字

無寇

褒姒乃笑王甚悅之及犬戎至王又舉烽以徵諸侯

諸侯不至遂敗幽王于戲水之上身死于麗山之北

故國語曰幽滅者也漢成帝建始二年造延陵為初

陵以為非吉于霸曲亭南更營之

案近刻脫吉字于字

鴻嘉元

年于新豐戲鄉為昌陵縣以奉初陵永始元年詔以

昌陵卑下客土疏惡不可為萬歲居其罷陵作令吏

民反故徙將作大匠解萬年燉煌

案萬近刻訛作延

關中記

曰昌陵在霸城東二十里取土東山與粟同價所費

巨萬積年無成即此處也戲水又北分為二水竝注

渭水渭水又東冷水入焉水南出肺浮山蓋麗山連

麓而異名也北會三川統歸一壑

案一近刻訛作三

歷陰槃

新豐兩原之間北流注于渭渭水又東首水南出倒

虎山

案首近刻訛作首又脫出字

西總五水單流逕秦步高宮東

案流下近刻衍注字

世名市丘城

案市丘近刻訛作立市

歷新豐原東而

北逕步壽宮西又北入渭渭水又東得西陽水又東

得東陽水竝南出廣鄉原北垂俱北入渭

案蘇林曰戲邑名至

此原本及近刻竝訛在後鄭縣令裴畢字君先立下今考文義乃敘戲水所逕首尾連貫不得離于東西

石橋水之間

渭水又東逕下邳縣故城南秦伐邳置邳戎

于此有上邳故加下也渭水又東與竹水合水南出

竹山北逕媚加谷

案媚近刻作郿

歷廣鄉原東俗謂之大赤

水北流注于渭渭水又東得白渠口大始二年趙國

中大夫白公奏穿渠引涇水首起谷口

案首近刻訛作口

出

于鄭渠南名曰白渠民歌之曰田于何所池陽谷口

鄭國在前白渠起後

案起近刻訛作在

即水所始也

案始近刻訛作

治

東逕宜春城南又東南逕池陽城北枝瀆出焉東

南歷藕原下

案歷近刻作逕

又東逕鄠縣故城北

案近刻脫又東二字

東南入渭今無水白渠又東枝渠出焉東南逕高陵

縣故城北地理志曰左輔都尉治王莽之千春也太

康地記謂之曰高陸也車頻秦書曰苻堅建元十四

年

案近刻作十二年

高陸縣民穿井得龜大二尺六寸背文

負八卦古字堅以石為池養之十六年而死取其骨

以問吉凶名為客龜大卜佐高魯夢客龜言

案近刻
脫魯字

我將歸江南不遇死于秦魯于夢中自解曰

案魯近
刻訛作

曾龜三萬六千歲而終終必亡國之徵也為謝玄破

于淮肥自縊新城浮圖中秦祚因即淪矣又東逕櫟

陽城北史記秦獻公二年城櫟陽自雍徙居之十八

年雨金于是處也項羽以封司馬欣為塞王按漢書

高帝克關中始都之

案近刻
脫克字

王莽之師亭也

案亭近
刻訛作

高後漢建武二年封驃騎大將軍景丹為侯國丹讓

世祖曰富貴不還故鄉如衣錦夜行故以封卿白渠

又東逕秦孝公陵北又東南逕居陵城北蓮芍城南

又東注金氏陂又東南注于渭故漢書溝洫志曰白

渠首起谷口

案近刻脫白字

尾入櫟陽是也今無水

案渭水又東逕

下邳縣故城南至此原本及近刻竝訛在前分卑尊之名者也下考下邳故城在今渭南縣東北直新豐之東鄭縣之西不得雜入成國渠中今改正

又東過鄭縣北

渭水又東逕巒都城北故蕃邑殷契之所居世本曰

契居蕃闕駟曰蕃在鄭西然則今巒城是矣俗名之

赤城水曰赤水非也符健入秦據此城以抗杜洪小

赤水即山海經之灌水也水出石脆之山北逕蕭加

谷于孤柏原西

案柏近刻訛作相

東北流與禺水合

案禺近刻訛作

愚水出英山北流與招水相得

案此下近刻衍水字

亂流西北

注于灌灌水又北注于渭

案經文又東過鄭縣北至此原本訛在前又逕稿原

東東南流注于渭後朱謀埤本訛在謂之馬家後辯詳又東過霸陵縣北下

渭水又東西

石橋水南出馬嶺山積石據其東麗山距其西源泉
上通懸流數十與華岳同體其水北逕鄭城西水上
有橋橋雖崩褫舊跡猶存東去鄭城十里故世以橋
名水也而北流注于渭關駟謂之新鄭水渭水又東
逕鄭縣故城北史記秦武公十年縣之鄭桓公友之
故邑也漢書薛瓚注言周自穆王已下都于西鄭不
得以封桓公也幽王既敗虢儻又滅遷居其地國于
鄭父之丘是為鄭桓公無封京兆之文余按遷史記

考春秋國語世本言周宣王二十二年封庶弟友于

鄭又春秋國語竝言桓公為周司徒以王室將亂謀

于史伯而寄帑與賄于虢儇之間幽王賁于戲

案賁近刻

作鄭桓公死之平王東遷鄭武公輔王室滅虢儇而

兼其土故周桓公言于王曰我周之東遷晉鄭是依

乃遷封于彼

案乃近刻訛作及

左傳隱公十一年鄭伯謂公

孫獲曰吾先君新邑于此其能與許爭乎是指新鄭

為言矣

案是下近刻衍其字

然班固應劭鄭玄皇甫謐裴頠王

隱闕駟及諸述作者咸以西鄭為友之始封

案此下近刻有

也

賢于薛瓚之單說也無宜違正經而從逸錄矣赤

眉樊崇于郭北設壇

案郭近刻批作鄭

祀城陽景王而尊右

校卒史劉俠卿牧牛兒盆子為帝年十五被髮徒跣

為具絳單衣半頭赤幘直褊履顧見衆人拜恐畏欲

啼號年建世後月餘乘白蓋小車與崇及尚書一人

相隨向鄭北渡渭水即此處也城南山北有五部神

廟東南向華岳廟前有碑後漢光和四年鄭縣令河

東裴畢宇君先立

案渭水又東西石橋水至此原本及近刻竝訛在又逕符禺之山北

流入于渭下考西石橋水東去鄭城十里西則淮水而符禺之水遠在華陰之東今改正渭水又

東與東石橋水會

案近刻脫東字

故沈水也水南出馬嶺山

北流逕武平城東按地理志左馮翊有武城縣王莽

之桓城也石橋水又逕鄭城東水有故石梁述征記

曰鄭城東西十四里

案近刻脫西字

各有石梁者也又北逕

沈陽城北

案近刻脫陽字

注于渭

案近刻脫此三字

漢書地理志左

馮翊有沈陽縣王莽更之曰制昌也蓋藉水以取稱

矣渭水又東敷水注之水南出石山之敷谷北逕告
平城東耆舊所傳言武王伐紂告太平于此故城得
厥名非所詳也敷水又北逕集靈宮西地理志曰華
陰縣有集靈宮武帝起故張昶華嶽碑稱漢武慕其
靈築宮在其後而北流注于渭渭水又東糧餘水注

之

案近刻
脫糧字

水南出糧餘山之陰

案糧近刻
訛作良

北流入于

渭俗謂之宣水也渭水又東合黃酸之水世名之為

千渠水

案千近刻
訛作于

水南出升山北流注于渭渭水又

東逕平舒城北城側枕渭濱半破淪水南面通衢昔
秦始皇之將亡也江神素車白馬道華山下返璧于
華陰平舒道曰為遺鎬池君使者致之乃二十八年
渡江所沈璧也即江神返璧處也渭水之陽即懷德
縣界也城在渭水之北沙苑之南即懷德縣故城也
世謂之高陽城非矣地理志曰禹貢北條荆山在南
山下有荆渠即夏后鑄九鼎處也王莽更縣曰德驩
渭水又東逕長城北長澗水注之水南出太華之山

側長城東而北流注于渭水史記秦孝公元年楚魏與秦接界魏築長城自鄭濱洛者也

又東過華陰縣北

洛水入焉閼駟以為漆沮之水也

案近刻作焉

曹瞞傳曰

操與馬超隔渭水每渡渭輒為超騎所衝突地多沙不可築城婁子伯說今寒可起沙為城以水灌之一宿而成操乃多作縑囊以堙水夜汲作城比明城立于是水之次也渭水逕縣故城北春秋

案近刻脫比明城三字

之陰晉也秦惠文王五年改曰寧秦漢高帝八年更

名華陰王莽之華壇也

案壇近刻訛作疆

縣有華山山海經

曰其高五千仞削成而四方遠而望之又若華狀西

南有小華山也韓子曰秦昭王令工施鉤梯上華山

以節柏之心為博箭長八尺棊長八寸而勒之曰昭

王嘗與天神博于是神仙傳曰中山衛叔卿嘗乘雲

車駕白鹿見漢武帝帝將臣之叔卿不言而去武帝

悔求得其子度世令追其父度世登華山

案近刻脫山字見

父與數人博于石上勅度世令還山層雲秀

案近刻誤重一

山宇故能懷靈抱異耳山上有二泉東西分流至若山

雨滂湃洪津泛灑挂溜騰虛直瀉山下有漢文帝廟

案近刻訛作漢魏文帝三廟

廟有石闕數碑一碑是建安中立漢

鎮遠將軍段煨更修祠堂碑文漢給事黃門侍郎張

昶造昶自書之文帝

案近刻訛作元帝

又刊其二十餘字二

書存垂名海內

案垂近刻訛作重

又刊侍中司隸校尉鍾繇

弘農太守毋丘儉姓名廣六行鬱然修平

案修近刻訛作備

是太康八年弘農太守河東衛叔始為華陰令河東

裴仲恂役其逸力修立壇廟夾道樹柏迄于山陰事

見永興元年華百石所造碑渭水又東沙渠水注之

水出南山北流西北入長城

案近刻訛作長安城

城自華山北

達于河

案達近刻訛作逕

華嶽銘曰秦晉爭其祠立城建其

左者也郭著述征記指證魏之立長城長城在後不

得在斯斯為非矣

案近刻得下行言字脫一斯字

渠水又北注于渭

案渭水又東與石橋水會至此原本及近刻並訛在前廣鄉原北垂俱北入渭下考石橋水逕鄭城東而

廣鄉原在今渭南縣東
南于地遠隔今改正

三秦記曰長城北有平原廣

數百里民井汲巢居井深五十尺

案此二十四字原本及近刻竝訛在

前亦曰長山也下長城訛作長安城考上言長城自華陰達于河即今華陰縣東長城遺址是也近華山之麓故地高而井深不得雜入成國渠中今改正
渭水又東逕定城北西征

記曰城因原立

案近刻訛作土

述征記曰定城去潼關三十

里夾道各一城渭水又東泥泉水注之水出南山靈

谷而北流注于渭水也

案而下近刻衍泉字

渭水又東合沙渠

水

案渠近刻作溝

水即符禺之水也

案禺近刻訛作愚

南出符石

案渭

水又東逕定城北至此原本及又逕符禺之山北流
近刻即接渠水又北注于渭下

入于渭

案此十一字原本訛在長安城北門也下朱謀埠本訛在灌水又北注于渭下符禺訛作

觀愚考其文義條敘符禺之水所終今改正

東入于河

春秋之渭汭也左傳閔公二年虢公敗犬戎于渭隊
服虔曰隊謂汭也杜預曰水之隈曲曰汭王肅云汭
入也呂忱云汭者水相入也水會即船司空所在矣
地理志曰渭水東至船司空入河服虔曰縣名都官

三輔黃圖有船庫官後改為縣王莽之船利者也

水經注卷十九